



Inatsisartunut ilaasortaq,
Hans Enoksen,
Naleraq
Maani/

Qalerallit pillugit § 37 naapertorlugu apeqqummut nr. 2022_082-mut akissuteqaat

Ulloq: 27-04-2022
Suliap normua: 2022 - 9565
All. nr. 19921717

Qaleralinniarneq pillugu inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqut suliassa qarfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Allakkasuaat (+299) 34 63 55
E-mail: apn@nanoq.gl
www.naalakkersuisut.gl

1. Aalisarnermut naalakkersuisup tusagassiorfimmi KNR-ikkut ulloq 19.04.2022 oqaatigaa Ilulissat eqqaanni qalerallit alliaruinnartut paasissutissat suminganiit Naalakkersuisup oqaatigisai pissarsiarineqarpat.

1-mut) Naalakkersuisutut ivertinneqannginninni Inatsisartut Aalisarnermut, Piniarnermut Nunalerinermullu Ataatsimiititaani ilaasortaavunga. Tassungaa atatillugu avannaani paasisassarsiorluni angalaarnermi aalisakkanik suliffeqarfissuarmut aalajangersimasumit Ilulissat eqqaanni qalerallit anginerulernerit pillugit paasitinneqarpuq. Qalerallip anginerulernerit pillugu tusagassiuutini oqaaseqaatika tassa aalisakkanik suliffeqarfissuup oqaaseqaataani tunngaveqarpoq. Qalerallip angissusia pillugu oqaaseqarnera kingornatigut KNR-mit naalisarneqarpoq.

2. Pinngortitaleriffimmiit KNR-ikkut akissuminni oqaatigaa Qalerallit milliartuinnartut sorliit ilumoorpat oqaatsit Naalakkersuisup oqaasii? Imaluunniit Pinngortitaleriffiup akissutaa?

2-mut) Pinngortitaleriffiup ilisimatuussutsikkut misissuineri tamakkiisumik uppersassuseqartut erseqqissarusuppakka. Paasissutissat tunngavigalugit piffimmit annerusumit ukiorlu tamakkerlugu suliffissuarnit tunisinermi paasissutissat ilanngullugit qaleralik minnerulersoq misissuinerit takutippaat. Taamaattumik qalerallit pisarineqartut agguaqatigiisillugu angissusii mikinerulersimasut Naalakkersuisut uppersarsinnaavaat.

3. Aalisarnermut naalakkersuisup paasissutissat pissarsiaai sumi takusinnaavagut? Pisortatigoortumik pappiaranngorlugit.

3-mut) Aalisakkanik suliffeqarfissuarmut paasissutissanut pissarsiarisimasannut Naalakkersuisut pisortatigoortumik allagaateqanngillat.

Piffissap ingerlanerani qalerallip tulaanneqartup angissusiaata allanngorneranut Pinngortitaleriffiup nittartagaani <https://natur.gl/raadgivning/hellefisk/> pissarsiarineqarsinnaasumik ilisimatuussutikkut uppersaateqarpoq.

Inussiarnersumik inuulluaqqusillunga



Karl Tobiassen

Aalisarnermut Piniarnermullu Naalakkersuisoq